



湘瑟詞卷之四

申浦錢芳標蕓鮫篋

漁家傲

十二月蕓鮫
詞正月

歇浦鞭春剛解凍。橈頭船底冰漸送。網得四腮紅玉動。
傾瓷甕。和衣半枕羅浮夢。覺後晴暉沙鳥哢。餘寒暗
減青蕓縫。城市燒燈塵正哄。箏琶擁輪儂。鐵笛乘閒弄。

又

二月

滬瀆潮痕隨信長。芹芽漸坼河豚上。春色三分看到兩。
停烏榜。紅衿掠處魚標颺。自接柔綸兒補網。柳塘杏
塢時來往。社鼓鼕鼕邨廟響。波如掌。紙鳶風急帆無恙。

又

三月

崧澤雨餘春艷艷。湔裙水沒鳧汀纜。曉鏡奩開烟柳蘸。
游儵險。漫天狂絮多於糝。 蓴葉短宜鹽豉淡。桃花密
護紫荊掩。睂眼落紅三四點。沿流泛。重來不怕仙源賺。

又
月四

薛澱麥涼豌豆熟。邨邨漁舍圍新綠。鳩婦喚陰蠶上簇。
燒湘竹。磯頭撥刺銀鱗觸。 換酒偶過津市宿。齋期懶
記迦文浴。歸路棟花香蔽蔽。滄浪曲。櫂聲欲斷纜車續。

又
月五

谷水年年喧競渡。漁舸不犯潛蚪怒。葵雨蒲風迷極浦。
凭舷處。鶯簧宛轉諧蛙鼓。 長日倦篙隨意駐。不巾不
襪。渾忘暑。虹飲野橋猶未暮。輕雷度。蜻蛉引入田田路。

又
月六

陸瑁湖邊三伏冷。古槐蟬咽濃陰靜。鎮日持竿假樹癭。
貪露頂。鷺鷥翹足低窺影。 多少衝炎趨畫省。人間別
有清虛境。黃雀好風當解艇。吹夢醒。釣絲斜罨茨菇柄。

又
月七

葑溲秋新菱角紫。洗車雨歇河垂地。欵乃數聲纖月裏。
天如綺。雲容也學文鱗細。 明滅漁燈懸舵尾。依稀螢
影添沙嘴。夾岸豆棚低壓水。炊菰米。青煙一縷涼颼起。

又
月八

圓泖風高鳴渚葉。潮頭百尺歎瓊沫。逆浪小舟輕似鴨。
罟師捷。盤渦慣與馮夔狎。 夜靜織阿涵貝闕。空濛不

礙金波濶。滴滴露珠凝素袷。吳歛發。水滸鋪錦蘆堆雪。

又九
月

沙堰授衣秋旭杲。矮籬蟲響芙蓉遶。簪篸攜來塵不到。
樵青小。木奴洲上支茶竈。風送鯉魚腥過了。灘稜碧。
褪畱鴻爪。隔淑人家初穫稻。紅秬早。緯蕭窸窣雙螯飽。

又十
月

塢滙霜酣烏柏赤。淡黃鴨脚千章直。着箇罽袍垂餌客。
船欹側。天然設色荆關筆。最愛小春偷煥律。身閒應
任羲輪疾。一抹雲腰黏淺碧。遙峰出。鶉鷓煦翅人搯笠。

又十一
月

唳鶴灘晴長至近。芋魁煨裂菘臺嫩。何處水仙香陣陣。

蟾鉤暈。撈蝦蹙皺寒潭印。向曉慈鴉盤欲盡。魚租不

欠。僵眠穩。船背掃來霜一寸。酸風緊。木棉裘較半裘韻。

又十二
月

蘆渡六花先臘灑。模糊片蓆江天挂。畧約無人飢雀啞。
枯株罅。衝寒側帽何爲者。縮項鰻肥又嬾把。漁家歲

晚偏多暇。遠寺昏鐘煙外打。收前以篷牕吹火團圞話。

品令
爲趙雙
白題像

平原村冷。但露濯胎禽警。荻洲環處戛然長。唳月寒煙
暝。偏怪幽人。拖着瘳筇閒聽。雙蓬掩映。夢不到揚州
境。浮丘一卷。素琴三疊。發人深省。多少雕籠。誰適水情

雲性。

右華亭
聽鶴圖

又

衡門之下。且請學樊遲稼。短犂新買。綠騰煙裏。烏犍斜
跨。公道評來。元勝着緋騎馬。參差吹罷。任叩角歌吟
啞。垂鞭歸路。夕陽紅淡。漢書聊挂。添箇蕪飯。休謂是知
津者。右谷水
騎牛圖

法曲獻仙音

弘軒席上聽楊郎
絃索兼感陸君賜

崔九堂前。段師亡後。那記開元遺譜。幾撥冰絲。一欄霜
月。依稀舊曾聽處。是壓笛宮牆侶。偷將串珠度。按商
羽。訝瓏瑋鐵衣金勒。俄變做恩怨小窓兒女。莫道客忘
歸。隔簾旌雲也畱住。鏤管花殘。畫旗亭渾減新句。但更
闌燭跋。喚罷奈何凝竚。是夕奏羅貫中陳
橋王實甫蒲東曲

八歸

申浦
阻風

雲黏墨障。濤掀銀屋。歸計一晌耽閣。蕭蕭五兩空江晚。
知其衝煙寒。鶩甚處栖泊。鄂被欲温温未得。况半臂紅
鞵綿薄。料此際占罷燈花。竹儿倦顛托。偏是琅玕瘦
損。秋來滋味。病酒衿懷還惡。幾聲珍重。一回銷黯。客
如何能着。笑柔鄉咫尺底事。經旬動拋却。殷勤囑石尤
方便。送轉船兒。文君壚畔酌。

散天花

丹鳳樓
懷古

亞字墻邊雁齒堦。龍風吹不去。小丹臺。靈妃應駕晚潮
來。畢逋烏尾急。噪枯槐。欄瞰琉璃絕點埃。微茫帆幾
扇。夕陽開。凭高莫倚大夫才。鐵崖陰在否。土花埋。

明月逐人來

鶯黃罇滿。鷓斑香爇。偏廝稱小樓如繭。瑣牕畧啓。斜日
煙蕪遠。放入丹青一扇。閒伴。冬娘翠袖。熏籠靠遍。無
人處。防閑。幸免剪刀指冷。休更拈針線。賭箇擣菹消遣。
倦曉開還鎖。看日影繡床漸過。怎添得吳綾花朵。要
攢鴛鴦成對。便向燈前可。

飛雪滿羣山

爽閣觀雪

欺褐風銛。盤鵬雲沍。玉塵吹上迴欄。翠樓妝罷。紅簾軸
處。泥他卯酒禁寒。幾回迷纈眼。訝誰舞遙空。珮環萬家

鱗瓦。雙峯佛髻。飛絮有無間。憶曾賦宜春。花滿句。向

謝莊衣畔。斜撲歸鞍。灞橋驢滑。山陰柁倦。浪遊總遜鄉

關。鴨爐籠茜袖。正人與餅梅對閒。若教圖畫瑤臺十二

天半看。

義山詩如何雪月交光
夜更在瑤臺十二層

琴調相思引

病起鈿華了不施。一綯低綰卸頭時。夜寒鐘定綠底上
樓遲。鳳脰燈前人灼灼。蝦鬚簾外雨絲絲。解携猶未
先話兩相思。

又

浙浙瓊花灑隙乾。石郵狂撼相風竿。酒醒何處鷗跡印
水灘。幸不載伊蘭漿去。料應愁我錦衾寒。不如香獸

留得伴更闌。

虞美人

白塔守水

鮫宮夜湧晶盤滿。咫尺蓬壺遠。情悰約畧四年前。板橋
衰柳繫吳船。蒜山邊。那時相對憐桃葉。不怨橫江截。
小樓今夜凍雲迷。知他曾否下鴛幃。待人歸。

鷓鴣天

途次偶書所見

羌喜歸裝背朔風。蘭橈雖滯筍輿通。負暄犬臥疎籬鏤。
乞火人穿密篠中。梅破臘。日高春。冰霜似此欲何從。
豆蘄煮酒誰翁媪。晏坐圍爐笑頰紅。

玉女迎春慢

雪晴

解意天公。頻妝點。閣外玉壺瓊島。睥睨千家帶遶。儘我

凭欄吟眺。吳鹽誰掃。數息處。瓦鑪聲小。此此風味難向
淺斟低唱。人道碾成幾筋冰筍。垂垂待伴。暮寒增峭。
愛與兒家。醜面不啻封梅。壓篠落霞低映。暈一朶紅酥。
偏好淨洗青冥。襯出月娥纖縞。

御帶花

小除夜復雪

樓寒人悄。春猶滯。向暝何事延佇。愛他并剪。剪魏家驚
蝶。謝家輕絮。爆竹光中。飄瞥弄纖影。無數誰知我。冰檠
蝨簡。相伴歲華暮。迴思神京舊况。味被擁青綾。苑指
瓊樹。此時更直。正鳳詔裁歸。右銀臺路。閉戶先生。久不
夢短衣射虎。微醺後。巡簷一笑。凍蘂細於乳。

法駕導引

赤城韓夫人製水府蔡真君法駕導引九首今僅傳三闋戲為擬之

乘騎去乘騎去閒訪智瓊家。誤賭驍壺天一笑不知流
電掣金蛇。衫裊六銖斜

又

天雞唱天雞唱。榆桂曉。隴臆寂寂瓊樓寒未啓。沈郎新
贅翠微宮。鳳牕紫炳中。

又

珠幢擁珠幢擁。風馭響流鈴。瞬息斑麟三萬里。齊州九
點月冥冥。誰辨漢家陵。

又

香深處香深處。雜藥壓枝多。燭夜花前傾數醞。珊鈎隨
意擊盤歌。清越應雲和。

又

羣真宴羣真宴。青飀賽鞭香。醞得逡巡龍腦酒。雪銀休
削買餘杭。醉舞下寥陽。
龍腦雪銀用耿先生
事餘杭姥見麻姑傳

又

蓬萊使蓬萊使。鳳紙綠章緘。上界竭來官府足。弄臣仍
署掃花銜。宛轉字如蠶。
義山詩上元
細字如蠶眠

又

文鯨騰文鯨騰。橘社駕潮歸。滿路空青人不見。織綃孃
子拾支機。蛟瘦笛聲微。

又

紅韁解紅韁解。山子秣芝田。貪共雨工騰踏戲。碧桃如

雪糝鞍韉，歡玉闌河旋。

又

靈飛佩，靈飛佩，綺語飛尖新。月兔縛毫濡沈澹，七言遙和藥珠人。先遣示南真。

卜算子

荷珠

滴瀝打篷聲，做弄田田影。誰捧銅仙露滿盤，溼得鴛鴦醒。忒利灑摩尼，翠蓋擎難定。百琲穿來費藕絲，髣髴郎心性。

又

柳線

寒食雨和煙，染出鶯兒淺。依舊垂垂千萬條，暗把春愁綰。寂寞掩長門，搭向欄干半。多少鶯梭織未成，燕尾

林頻剪。

又 榆錢

綠筴亂墮牆，鶯眼分明認。聞道盧家爛不收，難買斜陽寸。折取杖頭懸，春晚銖衣褪。天上寧無種樹人，却用

王清本。

王清本錢神名見酉陽雜俎

又 萼絲

雉尾細於釵，繚繞春湖碧。笑煞江東老步兵，直待秋風憶。幾縷嫩冰黏，皓腕殷勤摘。鹽豉調成骨董羹，比酪嫌唐突。

又

竹粉

褪了繹龍斑，冷翠浮纖素。入夏湘人試曉妝，薄薄鉛華

御。和露刻琅玕。玉版畱新句。飛盡桐花鳳。到遲錯訝
鋪青女。

又苔衣

千里草橫裊。四照花垂幄。爭似塘坳錦。夜明點綴陳王閣。
浣淨綠鬢鬢。暗水魚牀落。怱悵耶溪石上痕。沁處
凌波覺。夜明苔見拾遺記

又芝蓋

句曲謁茅君。三秀多於薺。采藥童歸攬赤幢。鹿背光搖
曳。只合蔭商顏。何事甘泉寄。爲愛銅池五朶雲。一樣
亭亭翳。古詩攬芝獲赤幢又西北有浮雲亭亭如車蓋

又秧針

透水碧尖芽。畦帔裁縫早。用盡工夫刺繡紋。不似逢年
好。白鷺點來輕。稚子敲難釣。辛苦牽牛插乍勻。河鼓
先分巧。右丞詩衣帔稻畦成

海棠春紙鸞

杏花風裏游絲颺。訝何處鳴箏送響。并剪剪霜翎。跼跼
青冥上。雖非小衛巾箱放。也常帶煙霞骨相。燈影夜
微茫。拂尾春星漾。

又竹馬

龍媒原稱龍孫。做學司隸香鬢瘦步。待得細侯來。踏遍
青蕪路。耳批猶帶湘江雨。却閒伴鳩車戲具。好逐葛
陂翁。跨箇筇兒去。

又木魚

霜鯨罷吼團蕉穩。又敲徹金鰲背。損不寄錦江書。繡佛
依蘇晉。小軍持畔魚山近。穗珠共潮音隱隱。解伎笑
吳儂。攪入紅牙韻。

又石虎

白楊如嘯燈如漆。殞宮下於菟。夜失月黑望夫山。偃舞
風蕭瑟。飲歸橫臥滕公室。幾拳繡斑紋。薛密莫恃晉
能言。猿臂藍田出。

又雪獅

玉塵堆就文殊座。儼疏勒牽來。駮駮咏絮謝家才。怎遣
河東和。百花擗簇連環鎖。問爭似瓊英。朶朶冷煖異

金猊不耐沉香火。

曲江賦晚以百花為獅
子繫小連環相逐遺

又翠鳳

女牀遙隔歸昌噓。換新樣炎洲翡翠。何物許同巢。玉燕
釵梁綴。綠蟲輕嵌銜珠穗。儘誇向專諸巷裏。生小戀
秦樓。買得偏成對。
專諸巷吳人
市翠花處

又銅鴨

鍍金鸚鵡沉烟瘦。羨常在房幃素手。移傍夜香亭。影浴
春波皺。睡濃懶逐欄前鬪。被池淺輕寒不透。若解自
呼名。只合呼韓壽。

太常引 正月十七
夜節事

海天春破放燈纔。酥雨潤輕埃。小宴戟門開。聽陣陣山

香糝來 闌珊意態蒼茫夜色分付酒如淮已誤太常
齋懶更話臣纓掛釵唐人詩莫誤卿卿學太常

又十八夜沙
堰坐月

隔季重倚水亭欄誰問竹平安瘦損碧琅玕也類我多情鬢殘
迴廊轉角澄暉浸影爭忍不盤桓抖擻泥春寒奈似醉襟懷倦看

紅窗睡用珠玉詞韻

不信簷鈴真解語徹夜傍枕屏如訴驟風馳雨相攙和
沒安排愁處絳炮燒殘牕未曙知誰伴錦牋翠竿吟
朝醉暮只除飛夢覓高唐人太

解蹀躞仲春望日舟行值梅圃徘徊不能去偶成小闋

一帶濛濛晴雪疑入孤山路小橋脩竹停橈暫容與凭
遍老榦春苔被伊悄地勾牽欲行還竚倩誰主休遣
封姨吹去重尋醉芳醕有情蜂蝶棲香戀深處待到蟾
影篩時便須安箇紅裯夢和花語

怨三三清明為三月三日

鑽榆贈芍巧相兼占盡春愁惹得天公也妬嫌遣風雨
暗江南淹畱藥裹詩籤海棠夢閒庭正酣謝解事新
蟾餽簫吹罷宛在湘簾

小桃紅綠媚咏桃

酣顛斜暎淺溪流鹿眼籬剛透慣伴如絲數行柳罩漁
舟題門舊巷休回首春寒細雨酒醒殘月願移近洗妝

樓

雨霖鈴

拙問坐雨用
樂章集韵

檐低聲切。訝支頤處。曉暮無歇。春寒分外悽惻。短桃露
井。細苞纔發。悶損雛鶯小燕。噤嬌響如噎。想此際吟客
孤篷。北固山頭暗潮濶。時樗亭
行後東皇冉冉看將別。最

無端悞了鞦韆節。年時畫舸同汎。人醉後滿身花月底
事新來。只待茶鐺臥簟鋪設。那更被絃索嘈嘈。舊恨依
稀說。

戚氏

泛舟橫雲飲
遡公精舍作

趁晴暄。肯惜紅友負青山。攪睡窓蜂。絮香巢燕。勸遊船。
凭舷。認煙鬟。垂楊缺處黛痕連。車喉宛轉纔罷。更遣鶯

管和鶉絃。茗椀清供。蕉團閒榻。恰對削壁嶮岘。且從僧
借杖。披薜尋洞。乘興躋攀。疇昔月榭風軒。綦響一斷。

木魅語頽垣。多情賴翠微無恙。碧澗依然。石梁邊脫帽
據地。芥肥筍嫩。艸艸杯盤。夕陽半嶺。纈眼迷離。儘我流
枕雲眠。暗數鶯花候。人生適意。畢竟樽前。看取牛羊

廢隴。剩銅獅水滴。付誰憐。怎如幾具。冬簪數聲。欵乃鷗
鷺常爲伴。况舊遊零落。晨星散。難得是親串。蟬聯夜漸
深。絳蠟重燃。學蘇晉醉裏愛逃禪。笑廬峯寺。空勞結社。

但惹眉攢。

銅獅水滴陸氏墓
中物也見輟畊錄

徵招

四月初三
日送春

一年又送春歸矣。如何麥寒偏凜。拂拭舊熏籠。覆韶州

紅錦午餘和悶寢。夢回處。水沉微滲。髣髴殘秋。雨昏煙
暝。瑣窓支枕。能禁藥欄叢。剛移種。催將粉飄脂沁。醉
袂落花詩。記曾翻墨瀋。閨人常似恁。便畱到曉鐘爭甚。
待消受。滿逕綠陰。試蔗漿茗飲。

錦堂春

鴉翎啼時綠暗。鼠姑開後紅蕙。人閒簾敞桃笙淨。斜對
畫樓眠。餽餽催調橫吹。玲瓏學撚么絃。從教陶寫供
清晝。無奈是中年。辛餽餽商玲瓏
唐時樂工名

雙雙燕

逢長安
舊歌者

記休沐宴。喚宣武門西。繫珠名部。丁香坼後。見慣白浮
鳩舞。怱悵飛雲散去。似一枕鈞天欲曙。誰知落拓逢伊。

又是江南春暮。無數青衫淚雨。對榻畔茶烟鬢絲千
縷。烏衣殘照。剩否翠衿雙語。聞說華懷易主。漸老却玄
都桃樹。贏得舊識何哉。莫唱渭城樂府。

夜遊宮

狎客周生出故人寄妓手書
偶用晏小山韻隲括其意

一櫂紅橋箭遠。酒醒後香衾難暖。不恨相思不相見。見
雖頻。奈東墻登較晚。合是書仙伴。莫吹做柳綿撩亂。
誰道來生尙緣淺。驗魚牋。減潑紅。知淚點。

寰海清

玉蛹爲蛾。艸花成子。初試單羅。侵曉麥風一面。簾額微
波。黃鸝枉相識。濃陰院。須不是春晝嬌歌。楸枰冷落
塵多。嬾更向後堂喚舞曹婆。珍簞拋書。漸喜扇拂天鴛。

長繩似繫小年日。算何妨暫攝南柯。醒來松響細。問輕
綃。煮茶麼。元微之詩。嬾梳叢鬢舞曹
婆李義山詩。交扇拂天鵝。

握金釵用呂聖求韻

換水貯哥窑。菖蒲又堪剪。麝煙微透窗眼。清晝悄悄任
妝晚。吟意緒。繡玉夫緣甚嬾。鵲鴿太殷勤。林梢盡情
轉。半床開却絃管。貪弄新荷翠錢展。人見也。感凌波。歸
別院。

燕歸梁木意

淖得芹泥掠淺沙。還覓舊盧家。鬱金堂外受風斜。人正
悄。夢梨花。日高香壘塵凝藻井。占定好年華。蜜官辛
苦浪排衙。相對語不如他。温飛卿以蜂為
蜜官金翼使

贊浦子用花間韻

井畔桐初乳。閨中草正薰。小軸雙文像。輕綃百褶裙。
只擬夢隨飛絮。誰知月墮重雲。諱道從來瘦。支離不為
君。

戀情深

錄事巷南無數柳。拂行人首。小樓珠箔翠籠陰。乳鶯吟
阿誰雙裊。畫闌臨。惱亂拾鞭心。自此不歸朱邸。戀情
深。

又

鏡檻無人風運幕。赴簫孃約。象梳微攏。蜜犀簪。倦停針。
半灣銷夏碧江潯。荷氣襲羅衿。便做一雙紅鬢。戀情

淡

又

過雨房櫳燈火早。任秋蛾遶。筠籠親炷海南沈。覆鴛衾。
玉琅玕細冷。森森怯。傍女嬃砧。二十五聲長漏。戀情

淡

又

畧畧教成銀捍撥。對垂虹雪。射堂歸騎帶山禽。度瑤林。
解鞍和笑玉船斟。遮莫峭寒侵。半臂麝烟濃處。戀情

淡

畧畧琵琶曲名

西河

無限意。凭闌一晌。誰會紅樓碧樹曉濛濛。雨疎煙細。妙

光閣外。眺神京。依稀風景猶記。

十季夢今醒未。舊題

小字塵翳。典裘轉。媿茂陵人。長卿倦矣。只餘婉孌好家

山排牕遙送。眉翠。

畫船載酒。競鼓吹。讓黃衫。潭上沈

醉謝客。板扉從閉。笑倡條冶。葉婆婆。如此休說移根靈

和裏。

水晶簾

誰喚蒙莊醒。是銀竹森森敲井。漸入霉天。訝玉女盆翻。
鄂君香冷。望斷晨光。簾影黑。夏夜比冬宵。更永。汝南雞
只隔鄰墻。怎生寂靜。灑潑滿清聽。恍千山飛瀑。蒲團
禪定。把舊愁新怨。幾回暗省。衝鼓催朝泥。沒馬。正此際
燈殘鳳脛。最無端。焦穀空花。賺人薄倖。

人月圓

蘭江魚婢桐花鳳。雖小已堪憐。十三絃柱。猶狀未到。瓜
字分季。綠雲覆額。誰知施的。纔曉安鈿。他時茗水。尋
春杜牧。休誤風前。

與團圓

呼罇拂石。餘霞如綺。濃樾如帷。春來手播秋花種。早抽
遍新萸。閒庭笑看。衰師朋戲。織素肩隨。醉唵只愛天
吳襖。玉臂清輝。

漁歌子

月洲彎。紋縠細。剪刀葉底魚苗戲。倚枯查。垂粉餌。不識
誰莊誰惠。樾童童。蝸嘒嘒。雲腰一抹龍拖尾。棹頭歸。

支頰睡。閒看風標公子。

杜牧以鷺為風標公子

散天花

題天女散花圖

誰溼空青染大羅。五銖衣瑟瑟。現天魔。瓊霏如雨妙香
和。吹來平丈室。供維摩。風諦曾參。牽堵波。波旬憎慧
業。奈渠何。憑將半偈乞鬢墮。經行隨鹿女。踏花過。

南浦

載酒浣花溪。漸午風吹來。茵茵香細。醒夢一蟬新。濃綠
外。羅立數峯如髻。苔錢屨齒。李文小袖曾遊地。斷鴻一
去。惟畱得斜陽。閑鷗相對。吾家阿濟殷勤。喚碧簫。浮
梁。水盃沉李。箕踞翠濤陰。何須問歸路。暝鐘烟際。柔蒲
脆柳。未秋先做蕭蕭意。謝公宅近。無端又催人西州門。

淚。

小袖李文襪
見趙飛燕傳

兜上鞋兒

戲作藥
名闌怨

丁香幾結。梔子同心。珍重使君投。便合歡。諧膠漆。算兔
絲。怎比。綢繆。茱萸灣裏。鬱金堂外。蘇滑石欄幽。悄地黃
昏私語。寧甘。遂嫁牽牛。山迷青黛。鑰閉葳蕤。別去菊
花秋。百部相思。藁本。剩寄奴。故紙空收。壞屏龜甲。舊奩
龍腦。慵續斷箜篌。郎若當歸。趁早。無多。豈惹稍頭。

拜星月慢

本意

始影占來。結璘奔未。悵望梧桐露下。齧鎖金蟾。閉蒼涼
亭榭。拂髹几。擺箇年時鵲尾。越覺腰身如畫。蔽膝多情。
襯芙蓉裙袂。盼銀灣。乞放黃姑假。偷靈藥。莫判青天

寡暗把小字生辰。向風前擘寫。漸鐘沉。絡緯墻陰話。桂
僮睡。暖雪埋紅地。不慣是。怯膽虛廊。更花蠶。竹灑。

清平樂

層臺蹇產。人在青冥半。玉瀼金波渾不辨。惟覺桂香吹
面。幾季月。癖花狂。誰知減盡飛揚。歌板換將禪板。釀
王降了空王。

洛陽春

立春日
有感

莫道東君無準。驗柳金梅粉。怪他着意。染翠青。染不到
星星鬢。閒擲幾番花信。舊歌筵。休問。分明秋字。在心
頭。算那得春光分。

法曲第二

春寒
偶作

過了收燈誰信封姨。按弄東皇顛倒，已誤流鶯約。似烏
鰂書緘寒暄難料。忍禁得梅鬢瘦減蕙芽小。雪又攪。

記華年簇辛盤燕九。此際東閣紅爐遶。京雒夢都付藥
鐺茶竈密補牕櫺。學蠶眠繭窩計好。且休羨畫檐烘日。

放衙蜂鬧。京師正月十
九飲謂燕九

柳初新。讀尺菌次所寄藝香二刻有懷
并感合肥宗伯長椿舊遊也

花驄蹋倦蘋汀路。又浪跡阜橋廡。櫻桃聽講槐安縮印。

博得夢窓新譜雲散吟朋酒侶問誰同。輕鷗柔艣。光

三坊中別去。悵羲輪揮戈難駐。尙書紅杏司勳綠葉都

做繫人愁處。待相覓橫塘烟渡與君話。燕山春雨。

屯曹聲碎。咏百
舌

故故喚朝眠。不管春心搖蕩新簧巧。試宮商潛換。學小
娃訛唱。秦樓上。愛焯霧正隴臆。只隔垂楊浪。支願漫
惆悵。爲您停妝。一响輕圓乍喜。又做弄鉤輈。楚啖蠻吮。
芳節往終似息國夫人。莫亂金衣響。

離亭燕。花朝後一日舟
泛次孫浩然韵

水面似被難畫。雨脚欲收還灑。野鴨衝船千百點。不闢
竹欄誰射。待渡一蓑歸犬吠。變煙邨舍。拂樹小帘青
挂。隔寺壞橋紅亞。隨意攸肱攤飯處。伊軋櫓聲如話。茅
土醉侯寬。只在矮篷窗下。

迷仙引。燈暉閣
下柳

一榻蠻腰。記向章臺帶雨移植。彈指三年。上樓人漸遮

得簸晚風春未半。燕鶯兒千尺。渾不念。催老舊時張緒。
靈和標格。縱近飄綿陌。幸傍藏鴉宅。拂面流蘇。憐他
偏單梅。翳白莫倚着欄干。弄筵怕金城。淚點重來。又滴

香山詩未多
遮得上樓人

極相思

年來貪譜伊州。蕃錦作纏頭。郭郎長袖。搖娘假面。散了
此愁。顧曲心情。今打疊。任飄零。社燕辭秋。筵床蠹粉。
笙囊蛛網。夢醒紅樓。

粉蝶兒慢

花名十姊妹
戲為咏之

天寶三姨。昭陽兩艷。總較伊家。纔一半。齊列處。羨宮眉
圖展。底事微禽。枝上樓也。把排行偷喚。錦離披。勝蜀牋

數種。紅深紅淺。光炫屏風一片。寫香詞。恰稱迴心春

院。相憐如欲語。競鬟搖釵顫。莫是東風都未嫁。誤教拾
遺嬌面。笑宜男。枉多情。鼠姑無伴。

醉鄉春

挑菜
作

手摘紫芹青薺。猶帶雨香。泉媚揆活火。試新醅。天送老
饕風味。何限玉盤朱邸。競說蓬池。賜鱸。早春候。夕陽
村。可能嚼出宮商細。李文饒詩註唐學士賜
食。悉是蓬萊池魚鱸。

燕臺春

寄胡翹羽時
有得雄之信

抱甕亭邊。韞光樓上。分曹幾遍。藏鈎酒國。塵兵。拳旗。肯
割鴻溝。有時評罷歌喉。報鳧鐘曉。寺霜稠。閒中清秘。牙
籤千卷。借我銷憂。吳航歸去。越調吟來。夢迷蔣逕。人

老并州青雲小阮。翩翩欲度驂騑繡。祿犀錢。况蘭芽瓊砌新抽。竹林遊。應念題句客。飄泊依劉。抱甕韞光為胡氏谷園勝處

解語花

雨夜檢書得舊稿漫題

投巖斷羽。委砌殘香。誰復畱連意。蝨魚堆裏。仙難覓。却剩斜行小字。牛腰驢背。費幾度。縫衣人淚。渾被他賺了。丁季。不換長安米。吟到案。螢乾死。笑批風。抹月。干卿甚事。青燈烏几。簷鈴亂。淒絕。夢華隔世。臣今老矣。任嫁日鏡。險塵翳。算只除金粟。經函。懺悔芙蓉紙。

傷春怨

改童時所作御街行

粉印編重展。向夾年時花片。昨夢已模糊。瞥引春愁一線。畫橋閒凭遍。小雨愔愔晚。弱柳帶烟垂。似與人俱

倦。

滿江紅

從婉嬾艸堂步至雜花林作

二俊風流。都收拾。殘山剩水。但飢鼯竄瓦。麝香眠砌。長夜漆燈春草下。何人鐵篴湖烟裏。踞龜趺。閒說泰寧碑。漁樵史。濃復淡。松雲霽。歇還涉。柴關啓。愛滇茶交映。唐昌玉蘂。猩血簇成繁縟錦。羊脂碾出玲瓏髻。問乞花場與讀書臺。誰軒輊。弁州有乞花場疏為陳徵君作

東風齊着力

鏡湖艸堂

唼藻文魚。眠汀花鴨。一水拖藍。雲移薄絮。新拭紫珍。廕賣藥黃冠未返。香煤冷。偃月泥緘。城南柳似曾相識。弄影毵毵。載酒憶秋潭。邀笛夜。舊人尚有何。戲玄都重

到雙鬢點吳鹽欲乞粉真丹訣邯鄲叟不語微酣真成
夢碧桃開也誤我鸞驂堂挂呂仙像

金蕉葉用彈指集韻

飄零只典青衫醉依稀濕曉鶯啼淚似病如魔半生消
盡三生慧記否綠屏無睡 迴文浪擬蘇家蕙怕生綃
粉焉香退永豐弱柳誰教綰作靈和對暗惹鬢絲霜脆
致光詩綠屏無睡秋分簾

鵲橋仙

道書雖讀情根難剷生怕舊遊池館知他緣底瞥關心
到便把空廊立遍 一燈殘雨廿年飛電吟筆酒籌渾
嬾繞膝豌豆作花時羨老圃閒愁不管

兩同心宋次王花燭詞

賦梅題杏早擅才情暮雨峽真逢神女玄霜驛那羨雲
英催妝處月照蝦簾花壓螺屏 况有丸髻挑燈義甲
撈箏七十二鴛鴦沙暖一百五楊柳烟輕深深院有箇
人人頻喚卿卿

踏青游題樊川圖吳興太守

天遣才人管領湖山烟月合占住水嬉芳節怎重來清
茗路成陰葉舊風物都付惜春傷別怕粉香讓他蜂蝶
十載狂名青樓夢回猶熱把荳蔻珠簾吟徹問紅淚
秋娘共紫雲花曆也應畫圖裏伴取鬢絲禪榻

芭蕉雨為維揚江氏雙節題

暗盡妝臺曉鏡照來還。閨箇孤鸞影。青女素娥相並。甘受月戶秋清。霜幃夜永。一泓邗水碧瑩。嗟此意誰省。休艷羨錦袍誇江令。待五色管花成。多少燭淚同乾。機聲互應。

鬪嬋娟

山塘見龍舟即事

女墳湖畔凭愁望。林腰斜照紅淡。笛床香屨久闌珊。尚餅師山店。映些些。幾安。榴血染。誇他蟬扇。龍鬢篔。僕本銷魂者。嬾更向。畫屏。畫。倚簾檻。時節又近端陽。碧菰烟裏。畫說。光。水犀零落錦帆荒。酒醉賜夷劍。莫漫聽梧宮。唱。且繫。汀。莫。弄番陽。小樓。

水調歌頭

胥門舟次逢其年梁汾話舊

聚散偶然耳。泛若水中息。愛而不見。誰道鄂君舟上。復此泰娘橋側。二妙一時俱。樂擲帽唱烏烏。燕臺事。陽羨約。總模糊。合情楚。詞聊以當萱。蘇公等豈長貧賤。吾意在於丘壑。執手且踟躕。別後共明月。知有夢來無。

喜遷鶯

粵東石頭陀為其年寫照作散花天女圖次原韵奉題一闕

宓妃芝館。費八斗才華。填愁欲滿。何許琴聰。描成髯客。繞涿墨濤微濺。身在鬢殊香國。夢醒梨花秋苑。回眸處。有齊公小小。銖衣縫淺。西陽雜俎云寶應寺天女像乃齊公伎小小寫真曼衍。訝筆底聽法。獍龍攝入。鴛溪絹三尺。團蕉數聲枯櫬。

借汝破除歌板野店黃梁待熟火宅青蓮任產功成後
看英雄學佛他年未晚時其年將赴徵車

青門飲咏高麗烟

白岳嵐濃綠江沙淨無端孕出有情枝葉雪正狂時酒
微醺後何物繫人思切一捻龍腰管伴紅篝由來心熱
錦囊輕裹蠻鞞小貯檀唇親嚙身豈炷香金鳥也教
似線篆痕蟠結屑麵枕郎醉漿椰子風味較伊都劣紫
玉潛銷處唾花圓地衣成纈為伊半晌扶頭倦眼欲擡
還怯

賀新涼

端陽前一日偶過樗亭值蘭次洮侯漢度彥達雙白先後俱至小飲濠上分賦

濃綠深深徑隔溪灣語聲了了赤闌誰凭却是吳興攜

密友共適鶴情鷗性塵尾畔茶烟風靜閩客吳儂世語
亂倚微酣靡靡皆堪聽臣亦是狂而醒水嬉過鼓新
妝競正城隅畫船開宴繡旗翻影何似君家潭子上冰
雪詩腸偏冷尋老衲過橋聞磬預恐蒲輪催健者逐諸
公袞袞登臺省誰伴我釣魚艇謂樗亭

又寄題孫梓庵半瓢居本家黃山今僑居邗

老去蘇門叟好家山松團雲海別來應久署作寓公聊
復爾為愛紅橋烟柳遙對着茱萸灣口此地多錢長鬣
賈盡珂峩大編誇身手圖史外君何有巢棲更比壺
中瘦算無勞江湖五石拍浮樽酒天上匏瓜猶獨處斟
酌瓠丘中剖只贏得王筠詩就歸日斜挑方竹杖問東

吳長柄曾攜否。還載箇如船藕。

又菌次招集聽秋書
屋用坡公原韻

參佐三間屋。喜過從碧塘閒對。蟬吟鳧浴。作客馬卿偏
好客。鱸出銅盤如玉。更滿鬻溪醅初熟。我類桓伊多感
慨。定風波怕聽龜年曲。莫吹裂柯亭竹。粉蛾低向樽
前。感濕青衫古來不但。潯陽愁獨。歷落崎嶇。在肯
被酒拘詩束。弦月挂松髯凝綠。燭跋留髡。留不住。早奚
童。鼾睡屏風。觸長嘯。起棲鴉。籜

晝夜樂咏枕
他

來禽青李都過也。也值得王郎寫。栢梁宮令。嗟餘長盡
蠟。兄聲價宿雨纔乾。鵬唱罷。恰點綴翠陰。朱夏穿樹粉

侯歸問金丸誰打。

莫釐舊約成虛話。總輸他灌園者。

可憐渴甚臨邛。嬾賦上林如畫。豆綠罌中。織手剝味絕
勝楚萍交蔗。記起閉門人。在橋邊花下。

又作前調竟適包山翁心齋
遠樵見惠再用原韻奉柬

曼詞題就烏闌也。幾錯把琵琶寫。市來風帶儒酸浪指
黃金評價。似橘過淮。拈復罷。但夢想小灣消夏。何處荷
簑船。乍烟屏輕打。殷勤銀鹿寒暄話。滿筠籠贈貽者
只須兩顆三枚。册葉漢陽堪畫。米齒瓊漿蘇肺疾。欲起
舞賭持。肝臙飽食待明年。到毛公壇下。

五綵結同心

午日嘉樹凌秋招集紫葢山房
帶三先生屬同菌次諸公賦

回颿過繫。弄水船忙。先生一笑掀髯。人世波瀾惡。非吾

事聊與捉塵而譚靈均憔悴皆因醒千年後孤冷蛟饒
 君知否離騷莫讀只除痛飲差堪 小池數弓初漲喜
 榴能溪火藕解鋪奩魚戲東西雨來今舊何況客少猜
 嫌深蘭詞寫蒲葵扇續黃絹還索烏鹽竟醉矣逃禪吾
 愛五絲欲繡瞿曇是日為地臘齋期

滿江紅

是則為余作小隸未及半而忽聞奄逝詞以悼之

半束銀鉤是亡友獲麟之筆記燈前顧曲悵焉如失竹
 徑漸悲嵇阮少蘭亭不信彭殤一訝赫蹠無恙墨花鮮
 風蕭瑟推髻侶塵凝櫛蓬頭子芸消帙但飢聽老屋
 亂鴉斜日小塚管城憐汝殉舊圖戈法何人述待嵩陽
 重寫攝龜碑呼之出

繫裙腰

爽閣觀雨

欄杆俯壓萬家低濃綠影罨烟霏分明思訓染鴛溪添
 墨潘忽皺做米元暉 吹來少女襲人衣雲抹處鳥爭
 飛琮瑋屋瓦濺珠璣身恍在楚天晚看棋時

一叢花

曹綠巖南園作

樵青將放木蘭舟斜日為君畱迴廊轉角亭臺靜倚闌
 處人冷於秋澄碧一泓濃陰四面撲漉起閒鷗披袞
 還上竹間樓茗椀話綢繆先生自是陶弘景白雲外持
 贈何求孫解誦詩僮能釀酒客號醉鄉侯

南歌子

讀菌次林蕙堂集戲題

柳柳州之後吳吳興定傳才人頌郡本神仙何况拂衣

歸釣掘頭船。竹路聞歌去。楓橋帶酒眠。二分明月五湖烟。總被錦囊收拾上濤巖。

南鄉子

水廟啁神鴟。滿樹冬青正着花。日脚殷紅雲破墨誰耶。若有人兮薜荔遮。青火小鈎斜。蛤鼓聲聲鬧暝沙。一葉衝烟猶未泊。知他路隔盤塘第幾家。

醉高歌

禾中晤季關山司馬

相思蚤戶春城相見。鴛湖雨艇少年同學。薇花省歷歷。鞭絲帽影。君猶車騎逢迎。我已漁樵管領。蠶桑蝦菜。佳風景可許。頻過茗芋。

鬪百花

南湖廢圃

藤把欹樓扶住。雀被飢蛇銜去。當年馬燧名園。今日蘭成枯樹。凭遍船窗。無復錦襪凌波。但見綠簑呼渡。開事消凝處。拍岸蒲萄。送盡年光如故。歌舞散後。蒼烟亂飛。鷗鷺吹笛何人。黃昏定有髯蛟來。其老桑潛語。

石湖仙

金明寺范大夫祠

城隅槐糝。有臨水紅樓。畱此靈瑣。恍惚錦衣危坐。蘇臺歸時。一舸明妝何處。怎不見。浣紗人過。無那剩釣童繫。纜吹火。楚詞欲少。雷。淒涼渚蘋。誰薦。雷填填。承塵鼠墜。四合湖煙。地近越來溪左。白馬潮奔。黃金像。畏鷗葵。分破凍雨。大更深。舴艑掀簸。

少年遊

松陵夜發

相卷詞卷之四

水煙和夢碧濛濛。颿轉月明中。一部鳴蛙，幾拳宿鷺，悄
起看垂虹。人間不少吹簫客，那覓順陽公。疎影雖填，
小紅難賺，飄泊信樵風。

蕭湘夜雨

五月廿三宿紺公梅隱庵
晤笠雲禪師是夕大雷雨

襤褸衝炎，桔槔揮汗，世緣總戀洪鑪。閒房吾喜贊公俱。
茶響處，人如瘦竹，香冷後，心似秋菰。原相類，逃名客倦，
退院禪枯。碧雲咏罷，槐風綠吼，榆日紅晡。乍豐隆前，
導玉女投壺，喧一片匡廬瀑布。傾萬斛，切利真珠，龕燈
下，師方入定，曾放鉢龍無。

晝夜樂

過健庵園亭食
枇杷三疊前韻

扁舟又到吳閭也。豈絲竹能陶寫。臯橋酒香，鴛黃愁向

當壚論價。城北徐君相見罷。勝五岳追尋禽夏。盧橘出
雕盤，更玉童冰打。少陵詩句分明話。問何如錦城者。

紫檀洲上開殘，猶有蜜珠如畫。味諫軒真，羞澁甚，便老
我此鄉名蔗。集掌身從銜，傍疎簾飛下。唐詞枇杷洲
上紫檀開

感皇恩

閣元寺
藏經閣

古檜火焚餘，半株凝黛。石髻雙浮自雲海。雀離興廢，誰
紀赤烏年代。蕭梁銘瘞處，澆園菜。瓦閣岩堯，烟林暎
帶，鎖澁經函幾時。曬瓣香宮監，鹵薄尚畱旗。葢畫龍金
敕字，蟲穿壞。

又 瑞光寺

相望一牛鳴。觚稜碧露。風鐸琅璫隔烟語。石牀塵淨，乍

過曉來花雨。僧間無箇事。軍持注。半卷金經。數聲粥鼓。洗盡吳船。載歌舞。香臺物外。也要買山人住。南朝四百寺。今何許。

洞庭春色

健庵以閏三月三日建亭顏曰重襟為題長調

雁齒盤階。鶯頭擊石。有亭翼然。儼仙臺小景。唐人金碧中流穩坐。春水樓船紅玉。雕闌斜倚處。對海湧浮圖茂苑。烟分勝。勝垂虹岸曲。放鶴峯巔。標題恰宜重襟。只此事佳話。堪傳問江南元已。幾逢餘閏。山陰癸丑。何似今年。依舊踏青墻外路。又脩竹鶯啼欲暮。天誰為記。記雙回蘭採。兩度裙漪。

夢橫塘

蜻蛉

綠荷香裏。白芷烟中。楚天將送涼雨。點破玻璃。更小似魚鷹如許。貼水低穿。迎風斜立。釣絲垂處。隔殘陽一片。拾翠人歸。還飛上搔頭住。玲瓏翼剪。蟬紗記。湘簾串斷。曉院曾賦。綠憤顛狂。身莫是薄情郎。做且休把雕弓巧拂。作伴雙鴛。女兒浦。買隻輕舟。喚他名字。看波心來去。

唐詩曉簾串斷蜻蛉翼

賀新涼

雙白用坡公韻作五憶詞蓋抹麗荔子珠蘭佛手橄欖也共和一闋

雪浪高於屋。截君家迢迢瘴海。金樅鐵浴。十載倦遊懷土意。夢想鬢花團玉。况烟際絳紗囊熟。不是移根從九畹也。玲瓏白遍闌干曲。人醉矣。眠斲竹。鷺王掌印螺紋。感伴紅鹽甘回齒。頰擅場誰獨。甚日歸裝真過嶺。攔

載詩筒千束。榕影下鬚眉皆綠。占盡人間香色味。勝尋
仙星影。旌幢觸吟未了。涼颼簸。

念奴嬌

臺眺用其季
迦陵詞韻

危闌靠處。又參差城闕。炊烟四起。楊僕屯營方點戍。畫
角斜陽沸耳。公子鳶肩。書生燕領。骨相吾無是。吹笙伊
洛。仙乎欲御風矣。否則課橘栽桑。祝雞呼鼠。魚養千
頭。婢閒對枯杯。拋小劫。偷過人間甲子。錄事壺觴。參軍
絲管。絕意南州尉。擲書一笑。案螢何用乾死。

別瑤姬慢

為維揚友
人悼亡

問訊蕃釐。豈瓊花耐得。徹夜風吹。玉鉤斜畔。路算古來
斷送。無限蛾眉。同心苜解。並命禽垂。總成惆悵。期把道

書閒看梳頭處。不是年時。我亦是感夢微之。似鶉啼
頗慣。槩路曾知。蒼茫今數載。任膽娘歌斷。紅葉秋池。因
君索句。惹我迴腸。淚堪羊志。垂向影堂。挑盞殘燈。檢舊
詩。

擊梧桐

影 桐

炎景如年遠。西掖句。題盡窓蕉。難遣短榻。剛移就。訝何
處。楚雨湘雲。拂散油幢。一桁紗籠半壁。人靜晶簾乍捲。
最愛彈琴石。返照裏。恰放孫枝遮徧。蟬鬢青添。鸚衣
碧。泫蠹葉玲瓏。誰剪尚滯商飈。信早漏出。瑟瑟秋光千
片。曾傍雙株潛立。美人來未。憾隔墻吠犬。到而今。銀牀
鋪月。和夢篩亂。

暗香

園丁送芙蓉數莖因憶舟過吳門不及一花荷蕩

采藕舊跡待放船。醉取燹光妖魄。懊惱榜人。夢裏匆匆
過烟驛。多少鷗盟負了。渾未認。凌波標格。但想像。裹鴨
裙邊。顯影蘸澄碧。潭側喜乍摘。似解語。忽來慰我岑
寂。三房兩蕊。周昉丹青。少鷓鴣。鈿架官窰貯好。勝露冷
紅衣狼籍。二十四期近矣。怕成暗擲。

吳諺六月荷花二十四

長相思慢

贈別故將

醉尉詞來。灞陵獵罷。誰憐老不封侯。歌殘驥櫪。繡澁鴉
刀。葛疆何似并州。夜上城樓。又肉生髀裏。米浙矛頭。一
戰犢軍收。記追奔雪滿兜鍪。喜黃袴裝輕。紫髯名在。
無恙馬稍風流。拍張方被酒。數癩痕時袒。貂裘欲別難

畱。尋豫讓橋邊舊遊。正秋宵如盤黑處。隔江雨葉颼颼。

集賢賓

送田髯淵董樗亭徵車入都

鶴書飛下延英殿。親網珊瑚。試看羣公入雒。躍馬齊驅
題柱。誰如京兆。披帷况有江都。出門正值涼飈發。旗亭
貫酒歌呼。畫壁三人同調。應少一人俱。上林秋獮賦
成無。定給札操觚。此時凌雲激賞。珍飫天厨。對處名知
颺鼠。賜來硯是蟾蜍。舊鷓鴣行。液池相見。憑傳語。莫憶鷗
湖。若問臯魚負土。心已爨桐枯。

時芳標以讀禮控辭

序

嘗聞之子窮泉潘岳縈愁於長簾佳人永暮江淹愴念
於遺琴歎石黛之長空神傷奉倩悲鉛華之已謝腸斷
子荆志結憂愁樊晉侯曾多哀句情深冥漠周季直尙
有畱書蓋茫茫瑤海人一去而不歸渺渺銀河路已迷
而莫渡雖或神照巫嶺僅托行雲画入甘泉終流幻影
能無唵咏用寫哀傷此舍人錢葆馥集句一編所爲悼
孺人之亡而作也孺人我家鍾琰寒族馬芝幼稟儁才
中丞絕憐其穎慧長優女德傳母嘗重其端方較淑質
於左門何慙織素絜芳姿於任氏奚媿澤蘭謝暹爲兄
會流連於硯匣馬倫爲姊常對玩於書帷迨作嬪華宗

日歸君子三星初夕惠和司寇之門百兩于歸柔順慈
姑之性聆映雪之書聲博山添炷觀臨池之翰墨薤葉
裁箋春椒始馥輒獻頌於三元秋菊含芳每勒銘於九
日旣而秦遊上郡頻修抱歎之書竇去扶風遥寄迴文
之錦藏寶釵而弗飾温清彌勤廢履箱而不開蘋蘩是
薦及五字擅長高築黃金之館七香來駕同遊白玉之
堂夜薰魚袋之朝衣雞鳴待漏晚聽鳳池之歸珮月落
篝燈翹首吳雲恨鄉關之迢遞還瞻燕樹歎旅館之淒
清憶潘母之板輿請行歸覲思張翰之蓴菜惟勸早旋
迨返粧樓猶飾舊時之椎髻躬親黔竈自甘曩日之黃
蘘扇少女之春風田皆種璧柱宜男之芳草人盡徵蘭

德無忝於少君才實同乎道遠然而江河跋涉風露
侵機杼焦勞容顏日悴旣乏三山之芝草復無九節之
菖蒲遂使竊藥嬋娟獨依桂樹乘鸞窈窕永去高臺令
人躑躅綺疏香消斗帳徘徊屈成塵掩鏡臺曲曲蛛絲
斜網流黃之軸陰陰苔色暗侵搗素之砧獨眠幼安之
榻求寐未能常掩仲舒之帷欲歌不得淚沾遺挂聽響
屢而無聲愁擁孤衾擊唾壺而欲缺數塘上之鴛鴦誰
稱比翼翫樓中之顧兔熟照同心新縑可愛非我思存
故素堪憐啜其泣矣於是守曾參之獨行循王駿之高
風却綠珠而弗御屏碧玉而不前夜夜理鸞雛之曲朝
朝歌雉子之篇楚舞吳歛無非別怨秦箏趙瑟總屬傷

心陰獨曲而詞窮唱同聲而調絕爾乃故厭新篇獨披
往帙風晨弄墨惟屬意於三唐雪夜然脂聊寄情於七
律搜大家之藻采則王子孟同裁抽餘響之清音則陸皮
步武白鷺黃鸝之句愁景堪方靈犀綵鳳之詞離情可
訴何妨集腋爲裘聊復緝絲織綺三冬撰述百咏成編
無慙正始之元音自極風人之雅致置諸翡翠之窓如
臨玉女函以柎櫛之枕若對金鈿况用画眉之筆定無
亥豕之文時焚辟蠹之香寧有魯魚之誤方當裝之寶
軸襲以縹箱長披攬於蘭閨永畱傳於彤管西隣紅粉
競夸鍾郝之才南陌青蛾爭誅顧王之德嗚呼鶴舞泉
門悵人間之永隔鵲啼暮雨痛幽隧之難期况乎漆燈
金經原無益於貞元玉燕銀蟾自有關於淑魄不若歌
成蒿里可招步幄之鳴環唱出挽郎足慰夜臺之新怨
爾壬子寒食董黃律始氏撰

望廬集句

蘅臯恨人著

悼亡一百首

洞府仙鄉已有名人間因識董雙成與君此別終天地
不及相隨同灰生瑤瑟玉簫無意緒冷灰殘燭動離情
惟應去抱雲和管王母前頭結伴行

張籍曹居易張翥
關盼盼李商隱李羣玉項斯

金闕寂寞罷粧臺獨瀉椒漿奠一盃稚子惟能覓梨棗

閒庭只是長莓苔音塵自此無因問針線猶存未忍開

和歲今朝幾時事潛聽喜鵲望歸來余以庚戌十月歸
孺人辛亥九月亡

劉兼許渾秦采朱
李中元積李景遜李紳

每因時節憶團圓惆悵歡情恰一年無復新粧艷紅粉
時開淚眼問青天梁間燕子聞長歎樓上花枝笑獨眠
莫忘平生行坐處兩重門裏玉堂前

李羣玉段東美孫 迷賈 會
李商隱劉長卿白居易韓 偓

新染霓裳月色裙連錢錦暗麝氣氤氳此些風景閒猶在
漠漠重泉哭不聞鬢向此時應有雪夢來何處更為雲
勿言我後誰能恤憔悴支離為憶君

王建皮日休元 稹白居易
韓 偓李商隱玄 宗武 后

獨宿江城爛炬殘生憎帳額繡孤鸞不知此恨何時盡
怕觸柔情欲語難飛鵲鏡前顏色斷鳳凰樓上月華寒
長嗟人與絃俱絕抱得秦箏不忍彈

劉元叔李 邕劉禹錫李 賀

蜀叢啼處酒初醒直欲裁詩問杳冥神女生涯原是夢
湘妃愁怨最難聽憶君清淚如鉛水悵望秋天虛翠屏
無路乘槎窺漢渚此生何處拜儀形

李 華魏 朴李商隱孫 氏
李 賀杜 甫邵 昇羅 隱

蕭索寒巢鳥獨奔一簾新月照黃昏中宵能得幾時睡
舊事無人與其論但是好花皆易落不看秋草自消翫
賸鋪床蓆春眠處帶粉猶殘舊淚痕

劉 滄羅 虬項 斯韓 愈
劉禹錫李嘉祐元 稹韓 偓

娟娟紅淚泣芭蕉拾得當時舊翠翹獨倚闌干正惆悵
不堪人事日蕭條露濃小徑蛩聲咽雨滿空城蕙葉凋

彼此業緣多障礙紫鸞烟駕不同飄

韋 莊 溫庭筠 張 蠟 杜 甫 李 中 李商隱 元 稹 曹 唐

影堂何處暮雲凝敲遍闌干喚不應顧我有懷同大夢
從來繫日乏長繩珊瑚枕上千行淚蟋蟀聲中一點燈
月榭故香因雨發何時攜手更同登

李 中 韓 偓 李商隱 李商隱 劉 卓 李昌符 李商隱 郎士元

羅幃翠被鬱金香鳳脰燈青照洞房終日官閒無一事
五更鐘後更迴腸悲來莫向時人說睡少偏知夜漏長
還似昔年殘夢裏露如輕雨月如霜

楊 炯 韓 偓 杜 牧 李商隱 齊 起 白居易 溫庭筠 羅 綸

倚闌愁立獨徘徊感物心情無計開好夢俱從花落盡

新愁多是夜長來但將茗芋酬佳節祇有佯狂泥酒盃
酒薄恨濃消不得空餘塊磊積成堆

溫庭筠 李 中 李 頎 白居易 杜 牧 莊 杜 牧

膾憶松江兩筋紅故鄉還與異鄉同名標玉籍仙壇上
怨在瑤琴別操中寶鏡塵昏鸞影在綵雲天遠鳳樓空
不如池上鴛鴦鳥挾子翻飛還一叢

羅 隱 周弘亮 韋 莊 李 中 溫庭筠 楊巨源 無名氏 杜 甫

十五年前似夢遊指揮婢子掛簾鉤亦知解道春來瘦
還恐添成異日愁巧婦才人常薄命朔雲寒菊倍離憂
流光易去歡難得霜剪紅蘭不待秋

白居易 盧 仝 李商隱 溫庭筠 白居易 杜 甫 鮑 防 翁 綬

雲鬢慵梳玳瑁垂絲牕寂寞背燈時新愁舊恨多難說
慮後防前祇是宜一自仙娥歸碧落永拋鸞鏡画蛾眉
遺簪墮履應畱念孔雀羅衫付阿誰

施肩吾劉 瑤雍 陶韋 璜
劉 滄黃崇 嘏羅 隱張 祜

數枝危綠怕西風
槭槭淒葉葉同今日獨來荒徑裏
餘香漸減玉堂中
碧窓月落琴聲斷小閣塵凝人語空
蘭質蕙心何所在
辭根散作九秋蓬

陸龜蒙吳 融韓 偃李羣玉
戴叔倫李商隱楊虞卿白居易

倚柱關情日欲曛
淚霑雙袖血成文
沉憂萬種與千種
行樂三分減二分
只有安仁能作詠
虛疑神女解行雲
啼帖吊月鉤欄下
觸撥傷心不忍聞

杜 牧元 稹高 駢白居易
李商隱傅與礪李 賀安 貧

綠慘雙蛾不自持
形同秋後牡丹枝
只知送恨牽愁事
不及男婚女嫁時
半月離居猶悵望
他季緣會更難期

重陽酒熟茱萸紫
惆悵歸來已較遲

步非烟關盼盼劉 兼劉禹錫
許 渾元 稹杜荀鶴白居易

鸞鳳分飛海樹秋
風翻落葉更颼颼
因嗟往事拋心力
誰共芳樽話倡酬
遙夜定憐香蔽膝
殘絃猶迸鈿箏篴
安仁縱有詩將賦
半是悲哀半是愁

方千里賈 島貫 休姚 揆
韓 偓元 稹薛 壽杜 牧

謾入金門侍玉除
到門常在鼓聲初
枉教紫鳳無棲處
每見青山憶舊居
燈下此心誰共說
醉中疊紙為君書

蛾眉一墜窮泉路團扇恩情日日疎

白居易林寬李商隱張籍
周賀白居易杜牧羅隱

斷續風中鼓角殘弦驚翰苑失鴛鸞春蠶到死絲方盡
滄海揚塵淚始乾生計悠悠身兀兀秋天瑟瑟夜漫漫
霜綃雖似當時態對此翻令灑淚看

韋莊錢起李商隱歐陽炯
白居易劉希夷玄宗護國

欲朝金闕暫依劉爾養晨昏我遠遊惟恨仙桃遲結實
不因萱草解忘憂幾季涼月拘華省千里家書動隔秋
此別更無他事囑淚珠時傍枕函流

許渾楊牢李中胡曾
元稹許渾吳融張祜

悲風吹雨濕錦旌愁裏看花厭此土却到故園翻似客

思往事倍傷情曉簾串斷蜻蜓翼暗室愁聽蟋蟀聲
絕似洛妃乘霧去何年絳節下層城

方干顧非熊無名氏元稹
李商隱盧弼冷朝陽劉滄

眼前人事祇堪哀心緒逢秋一似灰年貌暗隨黃葉去
綺羅畱作野花開霓旌翠蓋終難遇流水浮雲共不回
只有夢中相近分相思那得夢竟來

趙嘏白居易李羣玉李遠
李嘉祜李中李商隱孟浩然

兩心如影共依依曾向長生說息機竹葉豈能消積恨
砧聲徒促授寒衣淚隨紅蠟無由制心怯空房不忍歸
八尺龍鬚方錦褥殘宵猶得夢依稀

崔珣李白韋莊張祜
唐彦謙王涯韓偓李商隱

幾年辛苦與君同滋味過於食蓼蟲意氣消磨羣動內
年光寂寞旅愁中間思勝事多遺恨每遇良辰歎轉蓬
致汝無辜由我罪滿襟珠淚墮霜風

溫庭筠盧延遜白居易錢起
薛能朱灣韓愈羅隱

坐索寒衣說孟光見霜先為製衣裳徒勞掩袂傷鉛粉
但惜流塵暗燭房病後身心俱寂寞古來才命兩相妨
吳刀剪破機頭錦空對襜褕一斷腸

白居易侯氏喬知之李商隱
曇域李商隱吳玘譚用之

思量前事不堪尋悔作從來恩愛深回首便辭塵土世
傷心應倍雍門琴誰家綠酒歡連夜獨坐高齋寒擁衾
從此求閒應不得別家三日幾多心

羅隱韋璜韋莊唐彥謙
白居易李羣玉白居易杜荀鶴

萬般惆悵與誰論飛燕巢空雀自喧無路從容陪語笑
欲將脩短問乾坤酒醒孤館秋簾捲烟伴殘陽綠樹昏
尚想舊情憐婢僕多慚未報主人恩

韋莊劉長卿杜甫劉長卿
羅鄴周朴元稹王維

風透珠簾月滿庭夜寒歌苦燭熒熒此心惆悵誰能道
舊事淒涼不可聽無復綺羅嬌白日願隨鸞鶴入青冥
思量只合騰騰醉觸目離愁怕酒醒

張泌許渾高適竇叔向
宋之問裴航羅隱李中

樓上人扶下玉梯身將穉女帳前啼北風切切吹衣冷
落日亭亭向客低惆悵舊遊同草露分明幽怨發雲闈

愁眠不穩寒燈盡側耳空房聽曙雞

王建元 積李 順劉長卿 李紳 李昌 鄴 鄭谷 駱賓王

塵埋粉壁舊花鈿羸女銀簫空自憐寒角莫吹殘月夜

好花爭奈夕陽天人間後事悲前事上界羣仙待謫仙

食蘖苦心甘處困損君顏色減君年

元稹 崔液 韋莊 張泌 郭即方 干李 紳 白居易

芙蓉脂肉綠雲鬟不得多時在世間昔日戲言身後意

誰人肯向死前閒憂心悄悄渾忘寐雲木蒼蒼但閉關

十二碧峯何處所額黃無限夕陽山

元稹 王之渙 元稹 杜荀鶴 戴叔倫 劉長卿 劉禹錫 溫庭筠

得到邗溝弔綠蕪一番紅槿恨朝晡夢為遠別啼難喚

哭盡傷心淚已枯朔雪恐迷新塚草夕陽惟照欲棲鳥

當時風景登臨地月滿花香記得無

崔顥 羅隱 李商隱 元稹 戴叔倫 李商隱 孟浩然 羅隱

春來得病夏來加空掩柴扉度歲華何事淚痕偏在竹

始知人老不如花朔風颯颯吹飛雨門柳蕭蕭噪暮鴉

不見朱唇將玉貌籠開鸚鵡報煎茶

王之渙 武元衡 周曇 岑參 李白 高適 楊炯 張蠙

貧賤夫妻百事哀一心如結不曾開烏啼花落人何在

冬至陽生春又來紈紈蘭缸明狹室淒淒霜日上高臺

不堪惆悵當年事婢報天寒澹酒醅

元稹 江陵士子 崔珏 杜甫 姚合 李羣玉 趙嘏 白居易

玉爐烟盡月華生斜倚薰籠坐到明世事茫茫難自料
生涯擾擾竟何成幾回為客逢佳節去歲乘輶出上京
萬里家山歸養志念渠能繼事姑名

曹唐白居易韋應物武元衡
清寒薛逢黃滔元稹

百季心事付東流嫁得蕭郎愛遠遊玉骨瘦來無一把
夜臺歸去便千秋濕烟散暮鴛鴦瓦珍簾新鋪翡翠樓
坐久暗生惆悵事當時七夕笑牽牛

薛逢于鵠李商隱劉禹錫
韋蟾魚玄機韓偓李商隱

皎皎銀河渡鵲橋逸才偏稱和雲謠但經春色還秋色
不揀花朝與雪朝珠翠香消鴛瓦墜金鈿秋盡雁書遙
空留暗記如蠶紙憶得分明不忍燒

李洞皮日休李山甫李商隱
劉滄胡曾李商隱劉禹錫

今日難忘昨日憂他生未卜此生休画裙多淚鴛鴦濕
金屋無人螢火流萼綠華來何處所李夫人病已經秋
夜臺若使香魂在地下傷春亦白頭

鄭谷李商隱施肩吾李商隱
李商隱王之渙黃滔李商隱

黃昏獨自咏詩迴密鎖重關揜綠苔半夜病吟人寢後
滿山寒葉雨聲來壺傾濁酒終難醉蟲網閒牕永不開
心訝愁來惟貯火爭教紅粉不成灰

李羣玉李商隱李昌符劉滄
李力羅隱韓愈白居易

烏鵲南飛客恨多豈知平地有天河樽前且撥傷心事
川上俄驚逝水波翡翠衾寒誰與共鳳麟膠盡夜如何

樓臺深鎖無人到落葉紛紛暮雨和

劉滄韓宗司空曙白居易
白居易張貴詩渾魚玄機

繡戶簾前花影重病妻親為我裁縫竟消事去無尋處
紵薄綈輕共一封門掩斜陽喧鳥雀池經秋雨老芙蓉

開箱疊練先垂淚為想年來憔悴容

朱灣白居易李中元稹
羅翽劉滄侯氏柳宗元

質明齋祭北風微寥落霜空木葉稀厚夜肯教黃壤曉
仙鄉已駕白雲歸書籤藥裹封蛛網細雨輕寒拂雉衣

一拜一悲聲斷絕長安此去欲何依

耿緯劉滄白居易姚鵠
村甫陸龜蒙張夫人劉長卿

共君同作太常齋玉瘦花啼萬事乖香解返魂成浪語

病非傷肺為憂懷藥囊暫別龍鬚席神女初離碧玉階
空憶去年春雨後泥他沽酒拔金釵

皮日休王之渙李中李紳
李賀盧肇儲嗣宗元稹

偶思前事立殘暉惆悵當季意盡違別我已為泉下土
贈君惟有淚霑衣人間聚散真難料夢裏光陰疾若飛
自請假來多少日鈿箏絃斷雁行稀

李中羅鄴楊雲卿劉長卿
張籍李中白居易溫庭筠

東溟方士問蓬萊地底真成有劫灰四尺孤墳何處是
一彈瑤瑟自成哀香燈悵望飛瓊鬢羽節高臨鳳女臺
仙籍不知名姓有鸞音鶴信杳難迴

李遠聶夷中許渾劉滄
溫庭筠李嶠劉得仁羅隱

王母花前別眾真仙家暫謫亦千春每嗟塵世常多事
好稱閒官作主人青女素娥俱耐冷靚粧冶服為誰新
彩雲一去無消息嘆逝翻悲有此身

戚逍遙李商隱羅敬魚玄機劉長卿

五茸春草雉媒嬌故國東歸澤國遙愁眼向誰零玉筋
殘粧和淚濕紅綃鴛鴦帳下香猶煖烏鵲河頭冰欲銷
憶着長安舊遊處還家初散紫宸朝

陸龜蒙羅鄴崔鄴江采蘋白居易白居易李甫

紅粉春粧寶鏡催矜嚴標格絕嫌猜與君便是鴛鴦侶
何事偏教羽翼摧千古怨竟招不得一生襟抱向誰開
綵雲易散琉璃脆白日無情空往來

孟浩然韓偓温庭筠羅鄴張泌杜甫白居易李咸用

城闕沉沉向曉寒画眉窓下月猶殘姮娥搗藥無時已
玉女清歌一夜闌同穴杳冥何所望素琴幽怨不成彈
祇應早得淮王術浮世塵埃久住難

張籍劉禹錫李商隱曹唐元稹唐彥謙閻德隱李羣玉

綵鸞簾額着霜痕寂寂花時閉院門細想儀形執刀尺
更堪嗚咽問田園金蠶玉燕空消化慢綠妖紅半不存
獨把一尊和淚酒紫蘭香徑與招魂

李賀朱慶餘裴羽仙羅隱孟郊韓愈韋莊李商隱

雲母屏風燭影深夜闌澆酒哭知音不知精爽歸何處
豈有仙踪更可尋翠帳綠窓寒寂寂銀臺金闕靜沈沈

去年人到今年老更入新年恐不禁

李商隱羅隱李羣玉劉禹錫
顧况白居易岑參李商隱

一庭紅葉掩衡茅靜夜焚香檢六爻千里未知投足處
十年應念歲寒交子山病起無餘事丁令歸來有舊巢
明鑑半邊釵一股鸞膠難續鬢髻髻

雍陶牟融滕倪薛逢
皮日休薛能杜牧譚用之

雪裏題詩淚滿衣常嗟外族弟兄稀再來閒館惟相弔

猶得精魂慰所依白玉帳寒鴛夢絕博山爐煖麝烟微

謝公最小偏憐女泉下無家豈是歸內兄惟肖求一人
時外父歿四年矣

岑參盧綸元稹戴叔倫
曹唐魚玄機元稹白居易

羈緒緜緜夜景侵姮娥歸後月宮深空花一散不知處

往事三更盡到心莫怪闌干垂玉筯幾多離思入瑤琴

何當共剪西窓燭聽我披衣看雪吟

李商隱劉禹錫柳宗元羅隱
李冶劉滄李商隱鄭谷

一度思卿一愴然紅屏風掩綠牕眠落花不語空辭樹

明月無情却上天千結故心為怨網一輪清鏡泣流年

爐烟銷盡寒燈晦此夜風光最可憐

玄宗白居易薛逢
李遠羅隱李商隱崔液

嬌癡稚女遶床行一段傷心畫不成自學古賢脩靜節

誰教仙鬼返層城愁腸只向金閨斷新月猶懸雙杵明

了却人間婚嫁事不知何處是前程

元稹高蟾方干皮日休
油蔚杜甫劉禹錫羅隱

一兩年來鬢欲衰可憐辛苦一絲絲不知容貌潛消落
忽似傷春遠別離愁裏又聞清笛怨鏡中無復少年時
催身易老緣多事一夜霜風凋玉枝

秦 系秦韜玉皇甫曙錢 珣
李 鄴劉長卿元 稹劉禹錫

琴瑟和諧願百年寶釵分股合無緣真成獨坐空搔首
到此誰能與問天墜葉飄花難再復曉風殘月正潛然
秦嘉鏡有前時結還照離人泣斷絃

李 郢劉 禎高 適方 干
楊 衡韓 宗劉禹錫鮑四弦

夜風寒結玉壺冰紅火爐前初炷燈岐路辛勤終日有
此時清話昔年曾忽看片滿還相憶求娶身開而未能
零落梅花過殘臘繞廊行處思騰騰

許 渾白居易吳商 昭 蘭
白居易李 中 李 頎韓 偓

高樓獨上思依依塵壓鴛鴦廢錦機夜淚暗消明月恍
愁心恐檢越羅衣朦朧聞夢初成後惆悵朱顏不復歸
欲問皇天天更遠殘燈一盞野蛾飛

皇甫冉鄭 谷白居易許 渾
白居易曹 唐 護 國魚玄機

開箱衣帶隔季香反覆遺蹤淚萬行浮世本來多聚散
時光潛去暗淒涼門前墜葉浮秋水樓上殘燈伴曉霜
最感一行絕筆字不須讀過已心傷

白居易羅 隱李商隱韓 偓
劉長卿關盼 盼白居易司空圖

自古多情損少年多情信有短姻緣長疑好事皆虛事
可得潛然是偶然瑤草歇芳心耿耿亂雲歸去恨綿綿

思君攜手安能得泣把山花奠几筵

温庭筠鮑四弦李山甫鄭谷
劉瑤楊巨源韓愈皮日休

病來猶強引雛行豈料逾旬便隔生高髻不梳雲已散

孤燈未滅夢難成只攜仙籍歸金洞况是泉臺遠玉京

薤露歌辭非白雪聲聲多是斷腸聲

司空圖元 稹程長文李端
劉威魏朴白居易慕

畫樓西畔桂堂東盡日愁吟誰與同祇覺宦情如水薄

亦知恩愛到頭空淡閨乍冷開香匣一雁初晴下朔風

檢得舊書三四紙別收鎖在玉函中

李商隱步非烟薛能白居易
裴羽仙韋應物元稹王建

九原從此負初心書幌誰憐夜獨吟重續猶存孤枕在

長河漸落曉星沈開簾攬鏡悲難語以拆鸞離恨轉深

近得麻姑書信否桑田一變已難尋

羅隱劉禹錫元稹李商隱
長孫長輔羅虬顧况駱賓王

晚促離筵醉玉缸尊鱸方美別吳江墮塔紅葉誰收得

並蒂芙蓉本自雙芝蓋不來雲杳杳寒燈無焰影幢幢

今朝總帳哭君處白袷裝成雪濺窓

許渾殷文珪陸龜蒙杜甫
杜牧元稹劉禹錫皮日休

平明山雪白糝糊密宇深房小火爐聚散已悲雲莫定

畱連不覺淚成珠鏡奩塵暗同心結錦帶交垂連理襦

對此獨吟還獨酌不知冤鬼更歸無

白居易元稹魚玄機劉兼
劉禹錫許景先劉禹錫羅隱

金爐檀炷冷慵添又見玄冥變玉籤朗月清風難愜意
病容愁思苦相兼漸看春逼芙蓉枕每憶光抽玳瑁簪
可惜當時好風景飛花送酒舞前檐

劉兼韋莊韓偓陸龜蒙
孟浩然女光白居易李白

淚滴寒塘蕙草時終天隔地與君辭無人更獻椒花頌
有恨空吟團扇詩祇覺流年如鳥逝惟看新月掛蛾眉
十年未稱平生意若問傍人那得知

廉氏馮待徵戴叔倫趙氏
羅隱王維劉長卿崔顥

月落長安半夜鐘悔將名利役疎慵伯鸞憔悴甘飄寓
曼倩詼諧取自容往事渺茫多是夢佳期夙昔願相從
空畱華表千尋約難道今生不再逢

本下洞薛逢李紳李賀
白居易張子容鄭璧韓偓

薤送歌聲事已空花殘月榭霧朦朧綵鴛靜占銀塘水
涼葉寒生玉簫風身事未知何日了舊遊不合到心中
人間本自無靈匹從此長歸阿母宮

羅隱曹唐胡宿楊巨源
羅鄴羅隱孟郊李羣玉

從來六行比齊姜十二抽簪能繡裳一慟旁人莫相笑
九原何處不心傷但將竹葉消春恨獨把花枝歸洞房
莊夢斷時燈欲盡月明還照半張床

閻德隱白居易羅隱李紳
韋莊鮑君徽李中元稹

可憐春日鏡臺前得疾還因倚少季羶臆斷來無氣力
孤燈挑盡未成眠人間易得芳時恨祿薄難供沽酒錢

樂事漸無身漸老曉來和淚喪嬋娟

王建劉禹錫白居易白居易韓偓賈至白居易韋莊

閒坐悲君亦自悲兩三行淚忽然垂天長地久時相憶
物在人亡無見期鷓鴣聲中寒食雨相思樹上合歡枝
不知何處消茲恨更向東風奠一卮

元稹賈島楊炯李顯許渾

寒食悲看郭外春綠苔狼籍落花頻已拚到老為狂客
爭奈多情是病身紅蠟有時還入夢青山何處不愁人
年年舊事音容在獨恨潘牀簟有塵

盧表吳融白居易韓偓羅隱錢起曹松元稹

城外風悲欲暮天九原春草妬嬋娟一心一意無窮已

多病多愁負少年琴倚舊窓塵漠漠漏催香燭淚漣漣
同來翫月人何處碧樹紅樓自宛然

王昌齡溫庭筠駱賓王張汝羅隱許渾趙嘏溫庭筠

羅衣溼盡淚空流情緒牽人不自由但見悲鳥號古木
惟應杜宇信春愁江淹彩筆空畱恨潘岳閒居欲白頭
心折此時無一寸夜臺茫昧得知不

裴交泰韓偓李白鄭張泌許渾杜甫白居易

舊日儀容只宛然如今重說恨綿綿更為後會知何地
空向秋波泣逝川墮珥尚存芳樹下光猶掛玉樓前
嗟余索米無人問使汝悠悠十

牟融張籍杜甫溫李羣玉渾胡宿曹

憶來惟把舊書看往事微茫夢一般塵暗玉階綦跡斷
月移珠箔水精寒可憐懷抱向人盡想像精靈欲見難
只合雙飛便雙死豈知孤鳳憶離鸞

韋 莊李羣玉戴叔倫李建勳
杜 甫歐陽詹吳 融李商隱

花落閒階夕雨晴寂寥珠翠想遺聲已同化鶴臨華表
真似驂鸞到上清明月自來還自去流年堪惜又堪驚
百花簾下朝窺鏡風景令人憶帝京

劉 滄方 干姚 鵠蜀太妃
崔 魯趙 嘏沈 字白居易

芸閣官微不救貧馬蹄空踏幾年塵曾同客舍吞饑渴
應念京都共苦辛幽淚欲乾殘菊露病心方憶故園春
早知有此滿身事何用浮名絆此身

白居易詩 宿蓮寺懷歸
李商隱章 鼎泰新下州 正

江南烟景復如何謝傅堂前音樂和還似往年春氣味
空聞子夜鬼悲歌機中錦字論長恨琴裏流泉寄逝波
三百六旬頻擾擾大都不稱意時多

皇甫冉元 稹白居易李商隱
劉長卿張 賁韓 愈白居易

洞戶春遲漏箭長雀釵翠羽動明璫年來歲去成銷鑠
天上人間兩渺茫已覺逝川傷別念恐看新草遍橫塘
誰人會我心中事幾度憑棺淚兩行

胡 宿李 端駱賓王曹 唐
王 勃獨孤及白居易包 何

硯匣留塵盡日封碧霄何路得相逢可憐故國三千里
只有高唐十二峯黃壤不知新雨露春衫無復舊裁縫

孤眠直至殘燈死玉女窓扉報曙鐘

柳宗元楊巨源杜牧李商隱
杜牧元稹王諱温庭筠

自古風流皆暗銷強憑樽酒送無聊
椒花麗句閒重檢桂葉雙眉久不描
小院迴廊春寂寂月窓風簾夜迢迢
此身飲罷無歸處便入空房守寂寥

韓偓李商隱元稹江采蘋
杜甫王建杜甫胡曾

家鄉新着賜衣還嫩蘂穠花滿目斑
恐使孤魂愁夜永空畱白日在人間
玉梳鈿朶香膠解金尾屏風孔雀閒
聽盡暮鐘猶獨坐春情不斷若連環

張籍杜甫薛濤劉長卿
元稹温庭筠趙嘏李頻

朝日東飛歎伯勞莫君江畔雨蕭騷
春風可惜無多日

雙鬢從他有二毛欲就麻姑買滄海
莫思方朔種仙桃
拘蓮作寸絲難絕焉得并州快剪刀

劉兼羅隱白居易李商隱
李商隱李紳温庭筠杜甫

自矜夫婿勝王昌雙燕雙飛繞画梁
蠟照半籠金翡翠羅裙宜着繡鴛鴦
落花飛絮成春夢皓齒青蛾空斷腸
去似朝雲無覓處巫山十二鬱蒼蒼

喬知之盧照隣李商隱章孝標
戴叔倫李建勳白居易劉禹錫

蟲聲新透綠窗紗不羨牽牛織女家
此日沾襟念岐路昔年相望在天涯
音容寂寞春何處幃幌蕭條日又斜
長憶小樓明月夜玉盤貯水割甘瓜

劉方平魚玄機趙嘏李嘉祐
李中劉兼白居易李頎

小闌花韻午晴初心每相親跡且疎正喜琴樽長作伴
不知衰病日難除遊絲半罥相思樹芳沼徒遊比目魚
堪恨王孫浪遊去廣陵堤上暫離居

司空圖賈 島韋 莊王 建
許景先 駱賓王 杜 牧 許 渾

劈破雲鬟金鳳皇桂枝芳氣已銷亡靈妃不降三清駕
侍女新添五夜香玉漏聲長燈耿耿高臺春去恨茫茫
東西南北皆垂淚拭却千行更萬行

曹 唐 駱賓王 曹 唐 李 頎
薛 濤 杜 牧 李商隱 劉 媛

淡掩妝窗臥碧紗閒門高柳亂飛鴉只言啼鳥堪求侶
獨是狂夫不憶家吊影分爲千里雁斷魂飛作碧天霞
當時珠淚垂多少忍病猶期強採花

王之渙 錢 起 高 適 薛 維 翰
白居易 章 莊 崔 塗 張 蠟

二十年中共苦辛重泉一念一傷神鳳凰詔下雖露命
明月堂前不見人錦誥淒涼遺去恨瑤琴寂歷拂輕塵
洞房昨夜春風起從此春風不似春

薛 能 白居易 紀 唐 夫 劉 氏 婦
曹 唐 溫庭筠 岑 參 許 渾

斷腸春色在江南擊折湘妃白玉簪故國多年歸未遂
星橋一夕悵空含牽裾攬帶翻成泣顧影看身又自慙
知有宓妃無限恨謫來塵世未爲男

韋 莊 羅 隱 方 干 女 威
楊 衡 杜 牧 李商隱 魚 玄 機

青溪白石不相望一別音容兩渺茫寂寂空庭春又晚
丁丁漏水夜何長參差繡戶懸珠箔屈曲屏風遶象床

風景宛然人自改祇應來者為心傷

李商隱白居易劉方平王維
張柬之王琚王建皇甫冉

落花流水怨瑤琴一寸迴腸百慮侵不信比來頻下淚

那堪春色更傷心驚巢翡翠無尋處隔葉黃鸝空好音

曾讀列仙王母傳十洲仙路彩雲深

李羣玉唐彥謙武后陳子昂
陳陶杜甫王建韋莊

武陵何處訪仙鄉流水桃花滿澗香暮雨自歸山悄悄

泉臺杳隔路茫茫愁占蒼草終難決閒把金釵益自傷

婢僕矚君餘服用新墳空葬舊衣裳

皎然曹唐李商隱戴叔倫
劉長卿李山甫元稹曹唐

一曲悲歌酒一罇分明怨恨曲中論階前雨落鴛鴦瓦

窗外禽多杜宇竟舉世只知嗟逝水巫咸不下問銜冤

此時為爾腸千斷何必秋風江上猿

白居易杜甫韋莊譚用之
貫休李商隱李羣玉黃滔

花壓闌干春晝長獨眠人起合歡床誠知此恨人人有

豈料浮生漸漸忙蟲網翠鬟終縹緲淚襟霜笛共淒涼

夜深窓下燒紅紙一半音辭雜悼亡

溫庭筠關盼盼元稹元稹
羅隱劉兼韓偓薛濤



皇極經世一
皇極經世二
皇極經世三
皇極經世四
皇極經世五
皇極經世六
皇極經世七
皇極經世八
皇極經世九
皇極經世十
皇極經世十一
皇極經世十二
皇極經世十三
皇極經世十四
皇極經世十五
皇極經世十六
皇極經世十七
皇極經世十八
皇極經世十九
皇極經世二十

